

中國方志叢書·華中地方·第七八三號

據

清·白潢等修，查慎行等纂
清康熙五十九年刊本

影印

江 西 省

西 江 志

(一)

成文出版社有限公司印行

序

國家聲文
靡遠弗屆闢版圖未闢之國臣史策未臣

之

表踰二萬里江西於其間不及什之一耳

然其山川則有匡廬玉筍龍虎武功章貢修旰揚瀾左
蠡之高且深物產則有豫章之材銀朱之稻信州之楮
雙井之茶西山之葛金谿之瓷饒州之陶其於人也理
學則肇自金谿都昌下迨崇仁餘干吉水文章則廬陵
臨川南豐開其源吳虞揭范承其流下至制舉之家亦
必推章陳羅艾相業則有周必大陳康伯楊士奇劉一
燦諸人忠義則有文天祥謝枋得及靖難練子寧周是
修輩高尚則有徐稱陶潛雷次宗蘇雲卿其人仕宦則
有若丹狄仁傑韓愈范仲淹王守仁至於南安南康
則周程朱子過化之地也蓋上下數千年延治十七代
莫不前輝而後映名至而實歸嗚呼盛矣顧勝國以
還紀乘之書率就湮沒傳者惟林廷楫通志王宗沐大
志郭子章豫章書而已

本朝康熙癸丑曾奉修志之檄繼值逆藩變亂遂爾中輟
我

皇上削平醜孽耆定功成疆圉清晏癸亥三月復

命直省各進通志於時前撫臣安世鼎開局編校刊刻進

呈爾來垂四十年矣潢以匪材謬膺

簡命來撫是邦政事之暇披閱前志似有不愜於懷者乃嘗

萃十三郡七十餘州縣之新舊志及先賢子孫所藏家

乘與二三友人再加編纂竊嘗反覆尋繹而歎茲役之

匪易易也大抵居今者病在略古失實者病在采名辭
夸者病在煩無腹儉者病在疎漏援證者病在傳會請
託者病在徇情一人也或兩地並收於是有重複之病
一事也或兩家互異於是有舛譌之病茲欲詳於古矣
而後之所疑或前之所缺則徵信難欲考其實矣而此
之所非或彼之所是則折衷難欲節其煩蕪矣而載籍
所存篇連牘累則持擇難欲補其疎漏矣而耳目所接
寡見渺聞則博稽難欲去傳會拒請託矣而一手之所
障不敵眾口之喧沓以范成大為吳郡志猶不免流俗
之揜阮則絕情尤難若夫刪削重複駁正舛譌則在乎
加之意而已不敢以易心出之慮其忽略於俄頃也不
敢以我見持之慮其矯拂乎公論也雖如是其敢自信

序

白

二

為傳書乎夫西江固向所稱文獻名區也七十年間兩
經兵燹世家藏書僅存什一於千百文不足徵也老成
耆舊彫落已盡前聞軼事無從博諮而遠訪獻不足徵
也要惟是區區無私無欺一念竊附於三代之直道用
以導揚

聖治黼黻太平而備史館之採擇焉昔

康熙五十有九年歲次庚子八月

巡撫江西等處地方兼理軍務都察院右副都御史加

三級 白潢謹序

西江志序

有記載之人有爲人所記載之人吮毫握槩囊括新舊以傳信後世者記載之人也才術足濟時德澤足庇人居官而人歌頌既去而思之不忘者爲人所記載之人也江西舊志成於康熙二十三年甲子山川道里人物政事粗具迨今三十餘年巡撫_臣白潢建節茲土亟亟以纂修通志爲事蓋甚重乎記載之役矣自俗尚以分注爲例山曰某嶺某洞水曰某溪某灘而經文不屬原委聚散不明景物不備人曰某姓某名若者爲名宦若者爲鄉賢若者爲節孝隱逸流寓方技而生平出處學術源流家國理亂之故或未之及甚者以好惡爲去取以嫌諱爲詳略而微文直筆不可問矣夫紀傳創於龍門歷代作史者沿之郡邑之志亦史也通志者全省之史也國史徵信於地志烏可不以史自命桑經鄺注止於志水而道里淹貫事跡詳明實後世言地里者之標準至於藝文一則志乘家多視爲緩圖沿襲一二以相塗飾豈知文也者貫道之器天地之所藉以經緯也政理之得失風俗之盛衰人物之邪正賢不肖紀傳所不能盡而於碑版詩歌旁見側出以著明之至於山之曠輿水之淪漪滌灝物產之鳥啼花笑畫影繪聲方言禮俗殊姿異態摹寫於才人之筆端而振揚於賢人君子之讜言微諷非詩與文其何所屬今西江志新編人物自漢晉以洎宋元根據史傳博采羣籍務注其所從出使僞誤假託之敝無所於干又適當明史紀傳進

呈頒刻

聖天子方表章前代節烈昭示臣範大書特書發潛德之幽光此古今文獻之大幸豈特江右人物快遭逢哉郡志十有三取一二可爲法者以樹之極其他繁蕪者翦之錯譌者駁之寡陋不備者補益之乃其尤超軼者在捃摭周遍凡崇文總目正續通考著述各家引用書目蒐羅殆十之七八如入西山如登羣玉藝文之富燦然大觀雖置局分纂踰年而告成蓋竭其心與目之勞朝斯夕斯矣其書非江右一省記載之書而海內志乘取則之書也若其足以爲人記載者自初下車知江楚澤國最屬民在湖口權署風濤出沒爲移濬武曲港以避之又於清江築土橋堤農得遂其耕商旅得拯其溺修舉

許序

十

豫章書院教育諸生疏請廣鄉試額以振起士氣他如減耗贈却鹽規潔已率屬善政不可枚舉今且內名瀕行矣凡所施澤皆異日江人所記載而可傳者也身爲可傳之人而又傳人所不能傳三立之美一身具焉兆麟備位藩轄志成例應有序敬抒其所見如此江西等處承宣布政使司布政使_臣許兆麟謹序

西江志序

江西在大江南錯壤楚吳閩粵間為吭喉莊地如門戶之樞如車三十六輻之軸雖地偏天南而十五國中不邊山海者豫楚外惟江西則然其提封不狹小里廣且千二百有奇輪如四之一其氣候封疆田賦人文政教物產各有其典章掌故雖考之於經稽之於史索之於稠人之口求得其百之什一能乎哉以是十五國必各撰修其志而代必有成書江西成書之代有也固矣越稽圖籍禹貢為揚州班固地理志為豫章郡晉宋而下畛域紛紜所志不一唐史為江南西道宋為江南西路皆班班可考者然地之伸縮不常而世之盛衰亦異宜乎踵舊增新之存其人有傳人而後有傳書也

西江志

序

十

國家撫有萬方江西入版圖於茲八十年先是

今上二十二年巡撫臣安世鼎因於舊志益以新聞其志十

三郡命意亦深而舛錯間有殆掇管者之難其人也歷

今三十有七年天運日新則固增修之時矣巡撫臣白

潢按節茲土造士愛民百度具舉尤加意志乘親理郡

邑通志而刪繁就簡去駁存醇且徵文徵獻起例發凡

為一代成書進呈

御覽頒諸史館用以風勵有位興起人心於是乎在不徒有

光於江右一隅已也文焯幸際盛時忝持憲節得參編

校之末伏念

皇上御宇六十年曆服無疆從來以年號紀元始自漢武及

今千八百年未有紀元長久至六甲五子者

聖天子既得之況乎無已極耶天下地里之有志始於班固

之漢史千八百年來亦未聞六十年間有初修重修如

今之西江志者況為一代成書盡美盡善遠過昔人也

耶

主聖臣賢之盛於西江志且見之況萬幾萬國之大者耶聞

之志也者所以尊經而翼史信今而垂後非徒文字之

工記載之博已也志星緯必有光天化日之思志輿地

必有慎固封守之策志祀典必有明德馨香之敬政教

何以能善俗而宜人賦役何以能足民而裕國詰戎兵

靖奸究舉賢良繩愆繆利中有弊則宜革弊中有利則

宜興安民必求所以安圖治必思所以治一披志而已

瞭然几席間此非好學深思豈能作非好學深思豈能

西江志

序

十

覽也哉知之而行之尤所望於茲是邦披是志者

江西等處提刑按察使司按察使加四級臣石文焯謹

撰

西江志

凡例

自宋范石湖吳郡志以星野列沿革之後修志者多因之似失成文定象之序且嫌于太略今以冠羣目博徵經史災祥以類致亦可考而知也

十三郡建置先後名號率多異同今考李吉甫元和郡縣志樂史太平寰宇記歐陽志輿地廣記祝穆方輿勝覽明一統志曹學佺名勝志諸書細加校勘其里數多寡經界遠近一準康熙四十八年本省造報史館原冊至城池學宮官署修作民力攸屬備書之

山川所在各有封域其或一山而縣亘數縣如匡廬武功之類則分別向背複出者汰之川之源流分合具詳水利

凡例

江西書院甲於他省鹿洞鵝湖鷺洲豫章或初于唐或初于

宋元明以來增置不一

昭代崇儒規模宏遠分類特編用著文教之盛

田賦戶口漕運軍屯所宜略古詳今悉因藩閫糧道開列款項以備考覈權開置驛鹽引歲銷亦依新額

地大孽生叛據非一戡亂之功班班可考今仿大事記作武事志見逆天者之自取滅亡也

前賢名蹟最易湮沒即或久廢必存其名表章之責於茲斯

土者有厚望焉

各府舊志凡守丞倅李令丞簿尉學官雜職例列姓名省志則提綱挈領以督撫藩臬為主各道各鎮輔焉守令以下從新志例不錄其有功德於民者則詳名宦按先賢過化

之地舊志歷數任者各府互見今并歸一傳先據歷代正史繼采名家文集後以志書家乘補其闕略人物亦然

舊志於鄉賢分理學儒林文苑忠節孝友隱逸各為一類今統歸人物遠者必徵信舊聞近者俟蓋棺論定善者揚之不善者隱而勿著不敢私擅斧鉞以疑於史也他省寓賢已見名宦者不更複出至閨門貞節亦在所表彰若未經具

題者槩不登載仙釋方伎依仿舊志具體而已

江右前輩自唐宋而後著作如林不啻千有餘家兵燹後湮沒散佚罕覩藏書就所見聞編為目錄近人詩文集間亦采收作者姓名並著於下

祀典所載有其興也孰敢廢之祠廟丘墓雖遠不遺懷賢之

凡例

忱於是乎寓

郡邑故事文獻是徵舊志往往詳獻而略於文今依楊升庵四川志例於前人纂述廣為搜羅凡有開政教及諸名勝寓公之作必錄儻於桑梓無涉縱先達名篇概從割愛志中取例多以類從顧文之體製非一零篇斷簡凡無可附麗者統名曰雜或前人軼事志傳不能悉載亦別為一編故以雜著雜記終焉

纂修西江志書官員

總裁

江西巡撫都察院右副都御史臣白潢

提調

江西布政使司臣許兆麟

江西按察使司臣石文焯

江西督糧道臣蔣曰廣

江西分巡饒九南道臣陳安策

南昌府臣汪弘珏

瑞州府臣高成齡

臨江府臣汪清

吉安府臣王若璠

撫州府臣任士理

建昌府臣陳世雋

廣信府臣郭維堯

饒州府臣沈李楷

九江府臣沈煥

南安府臣蕭宗義

纂修

翰林院編修臣查慎行

舉人臣陸奎勳

歲貢臣周朱未

督刊

南昌縣知縣臣李蓮

新建縣知縣臣劉輝祖

南康府照磨臣崔士元

職名

手

西江志目錄

星野 第一卷

沿革 第二第三卷

形勝 第四卷

城池 疆域附第五第六卷

山川 第七卷至十三卷

水利 第十四卷至十六卷

學校 第十七第十八卷

公署 第十九第二十卷

書院 第二十一第二十二卷

田賦 第二十三卷至二十五卷

風俗 第二十六卷

土產 第二十七卷

兵衛 漕運附第二十八卷

武事 第二十九卷至三十三卷

關津 橋渡附第三十四卷

驛鹽 第三十五卷至三十七卷

古蹟 第三十八卷至四十二卷

封爵 第四十三卷至四十五卷

科目 第四十六卷至五十三卷

秩官 第五十四卷至五十六卷

名宦 第五十七卷至六十五卷

人物 第六十六卷至九十四卷

寓賢 第九十五第九十六卷

列女 第九十七卷至一百二卷

仙釋 第一百三卷至一百五卷

方技 第一百六卷

祥異 第一百七卷

祠廟 第一百八第一一百九卷

丘墓 第一百十卷

寺觀 第一百十一卷至一百十三卷

經籍 第一百十四卷至一百十六卷

藝文 第一百十七卷至二百三卷

詩賦 第一百十七卷至一百四十卷詩餘附末

辭賦 第一百四十一第一一百四十二卷

說教表牋 第一百四十三卷

劄子奏牋 第一百四十四至一百四十七卷

狀議 第一百四十八卷

碑碣 第一百四十九卷至一百五十二卷

序論 第一百五十三卷至一百七十二卷

題跋 第一百七十七卷至一百九十五卷

銘贊 第一百九十六卷

疏引辨 第一百九十九卷

祝文 第一百九十九卷

誄祭文 第一百九十九卷

雜記 第二百三卷

雜記 第二百四卷至二百六卷

西江志目錄

一六三七

一七〇

一〇一三

九四五

七七四

七二四

六四九

六一一

五八七

五〇二

四八六

四七三

四一〇

三八四

三三九

三〇〇

二四五

一二二

八二

六八

四二

二〇

一七六二

一八一七

一八三一

一八四九

一八八三

一九〇七

一九四七

二〇〇四

二一九〇

二四九六

二五九五

二六九五

三二二九

三六三七


三六九六



三七四〇



三七七一



三七九五



西江志圖













豫章書院圖



白鹿書院圖



林湖書院圖



麻王閣圖

